



08.oktober 2020

UKA2020/19

Uunga siunnersuut: Soraarnerussutisiaqalernissamut aqqissuussinermut peqataasusaaqatitaaneq pillugu Inatsisartut inatsisaata allanngortinneqarnissaapillugu Inatsisartut inatsisaat nr. xx, xx. xxx 2020-meersoq.

(Aningaasaqarnermut Naalakkersuisoq)

Inuiaqatigiinni inuit katitingaarnerput qiviassagaanni inoqutigiikkaat utoqqalisussat ukiut qulit qaangiuppata marloriaatinngorsimasussaavugut. Imatut paasillugu pilersugassavut marloriaatinngorsimasussaapput pilersuisussallu ikitsuinnaassallutik. Qanga meeqqiorluarsimaneq naliginnaasuusimasoq ukiuni kingulliunerusuni ilaqutariittut meeraqartarnermut ilaqutariinnut ataatsinut maanna 1,8.-iinnarmik amerlassuseqalernikuunerata kinguneri aningaasaqarnikkut sillimmartaarfiginissaat pisariaqarpoq.

Pilersuisussatsinnut artukkiinaveersaarnissaq pisariaqarpoq. Ilarpassuaqarpugut utoqqartaqarluta naammangittaalliuteqaratik utoqqalisunik, aamma ilarpassuaqarpugut utoqqartaqarluta utoqqalinissaminnut piareersarluarsimallutik isumannanngitsunik atugassaqartunik. Tamanna qujanarluinarpog eqqissillutik ilerasuuteqarpallaaratik utoqqalisinnaasunik aammalu qitornaminnit isumagi nerluarlutik ilalersoneqarluartunik.

Tamannali tamanut atugassaasutut taasinnaanngilarput. Ullumikkut amerlapput nunaqqativut utoqqalisut utoqqalinissaminnut ileqqaaruteqarsimannngitsunik aammalu ileqqaarnissaminnut periarfissaqarsimannngitsunik.

Inuiattut aqqissuussinitsinni pisariaqarpoq soraarnerussutisiaqarnermut aqqissuussineq periarfissaqartitsisoq peqataaffigineqarsinnaasorlu siuttuuffiginissaa, taamaammat naalakkersuisut saqqummiussinerat ilassilluarparput aqqissuutissanik naapertuilluarnermik ujartuisoq saqqummi-ummassuk.

Akiitsut akilinngitsuukkat ikinnerulernissaannik anguniagaqarneq siunertaallunilu eqaannerusumik aqqiissuteqarnissamik ujartuineq paasilluarparput. Kikkut tamarmik sapinngisamik soraarnerussutisiassaminnut akiliuteqartariaqarnerat taperserparput, taamaalillunilu soraarninngornermi aningaasaqarnikkut atugassaqarnerulernissaminnut peqataanissaat pillugu inooqatigiinnermi oqi-maaqatigiissumik piumasaqaateqarnissaq pillugu siunnerfeqarneq pisariaqarmat.

Nunatta Qitornai

Inatsisartuni



Akiitsut akilinngitsuukkanik akiliisitsiniarnissamut ukiunik sisaminik killiliineq atuutsinneqassasoq inassutigineqarpoq. Taamatut siunniussaqrneq akissaatikinnernut aamma allaffissornikkullu ilu-aqutaasussat saqqummiunneqartoq paasivarput. Siunissami piffissaliussaq kisiat isiginagu qanorili-sukkulluunniit ileqqaarutissanut akiliisoqarsinnaanera ammamat iluarisimaarnarpoq tassa ukiup isertitaqarfiusup kingulliup siulianiittunut atuummat.

Nualluussaq peqqutigalugu immikkut sillimmartaarnerit isiginiarneqarnerat iluarisimaarnarpoq tamannali ukiuni marlussuinnarnut isigigallartoq maluginiarnarpoq, apeqqutigerusunnarporlu sivil-unerussaangaluarpat qanoq periuseqartoqarnissaa eqqarsaatigineqarnersoq.

Avataaninganniit suliarortunut ukiuni marluinnarni nunatsinniittussat aammalu tjeneste-mandinut immikkut isiginninniarneq paasilluarsinnaavarput.

Unammilligassat annertuut SISA-mit aammalu KNAPK-mit taaneqarsimasut immikkut maluginiaga-ssaapput, pingaartutullu isumaqarfigaarput aningaasaqarnermut akileraartarnermullu ataatsimiiti-tialiap siunnersuut suliarinerani immikkut taakku aggersarlugit siunersiorfigissagai qulakkeerumal-lugu aningaasaqarnermut akileraartarnermullu ataatsimiititaliap isumaliutissiissusiornermini al-lannguutissatut siunnersuuteqassappata eqqummaariffigineqarnissai qulakkeerlugu.

Naapertuilluartumik peqataaffigiuminartumillu aqqissuussinissarput pisariaqarpoq. Isumaqa-rpugut aamma maannamut paasissutissiineq aammalu paasititsiniaaneq annerusoq ingerlanneqas-sasoq, isumaqaratta akiliinngitsooruterpassuit inatsimmik allannguisoqarsimaneranit malinnaann-gitsoorsimasut amerlanissai ilimanarmat. Amerlasuut pisortanut akiliissutitut isigaat isumaqa-rpugullu paasititsiniaanermi inuit aningaasat namminneq pigigaat aammalu ileqqaagarigaat paasis-sutissiissutigineqartariaqarpoq annerusumik. Aqqissuussineq tamanit piginneqataaffigisutut misi-gisimanissaat pingaaruteqarpoq.

Taamatut oqaaseqarluta soraarnerussutisiaqalernissamut aqqissuussinermut peqataasussaaitaa-neq pillugu inatsisissatut siunnersuut aningaasaqarnermut akiileraartarnermullu ataatsimiitita-liamut ingerlateqqipparput.